

Xpresa bo mes

noticia@awemainta.com

Tur comunicado o remetido cu ser manda pa AWEMainta mester inclui nomber, fam y number di telefon di e remitente. AWEMainta ta keda cu e derecho reduci of edita esakinan pa publicacion.

San Nicolas y tur esnan cu a imigra di Islanan ariba ta hasi un suplica na SAC

CADA cos na nan lugar! Nos tin añanan constatando cu tiki, tiki SAC ta convirtiendo e Festival di Calypso den un otro cos cu entre nos a nace e number, Coco loco contest. SAC a asigna un empleada di Parke Arikok y un cantante di Dande y otro di Tumba y asina nos por sigui e lista di escohensianan cu SAC a scohe como miembro di hurado cu no ta refleha net nada di e parti di cultura aki (Calypso y Soca) cu Aruba a braza como di nos unicamente door di e aspecto financiero y no cu SAC ta echt gusta SOCA ni CALYPSO. Cu tur respet si pa e personanan aki cu por tin hopi habilidadnan musical. Nos ta duna hopi respet na Sr. Harry Croes cu tambe di su banda ta protehendo e parti di cultura di Mazurka, Dansa y Wals, nos ta corda cla, cla manera luz di dia dia cu Le Groove a wordo invita pa Sr. Ramon Lee pa competi den un canto pa Aruba y señor Harry a opta pa laga Le Groove afo door cu nan no a cumpli cu e requisitonan di e genero ey, nan tabata di bai presenta un Calypso pa Betico. Nos ta kita petchi pa Harry. Mescos nos

mester proteha Calypso y Soca cu nos a bin cune.

SAC a logra di caba cu Steelpan, brassband, Tumberito y Tumba entre otro. E ambiente di Calypso contest cu nos grandinan a trese a muri caba y poco, poco e resto ta bai. SAC ta transformando e competencia di un forma cu aki un par di aña, San Nicolas lo no por reconoce e clavenan di e Calypso “nobo” cu nan ta promoviendo. SAC a logra caba di hiba e evento playa definitivamente (Calypso di mucha) y awor ta sigi e indoc-trinacion pa cu con e Calypso y Soca mester zona y ken mester saca cara pa e ritmo nobo cu lo bira e Calypso y Soca nobo esta e ritmo Coco loco.

Ata nos a copia tur sobra cos, como Arubiano, y nos por reconoce e ritmo original den nan.

Nos a copia y tuma over como di nos e gaita, pero nos por reconoce ainda como tal, fine.

Nos a copia y tuma over como di nos e wals, pero nos por reconoce ainda como tal, fine.

Nos a copia y tuma over como

di nos e dera gai, pero nos por reconoce ainda como tal, fine.

Nos a copia y tuma over como di nos e tumba, pero nos por reconoce ainda como tal, fine.

Y asina nos por sigui menciona e ritmonan y culturanan cu nos, Arubianon, a braza, cambia un tiki y pone stempel di “cultura di Aruba” riba dje pero mundo por reconocenan ora cu nan wordo toca otro caminda. E Arubiano original ta indio y sigur, sigur nan no tabata toca ningun di e ritmonan aki. Tur ritmo cu nos tin awe, A BINI. No tin flecha, ni cosecha mas. Aruba ta Multicultural awor ban admiti esaki pa nos por sigui biba den harmonia manera debe ser. Ban respecta e gaita, e wals, e mazurka, e merengue, e cumbia, e reggeathon, e rap, e salsa, e ritmo combina e tumba y Last but not at all least e Calypso y Soca cu tin decadas ta hiba nos cultura full rond mundo.

Nos Carnaval ta luho y splendor y nos por ta orguyoso di dje pero no ta ningun otro ritmo ta carg’e, ta CALYPSO y SOCA y ta di pueblo di San Nicolas e ta, ban corda un rato y respecta esey! Nos kier pa SAC duna un

tiki respet na e historia di Calypso y Soca y busca un panel di hurado cu tin pasado di e genero aki. Nos kier a puntra SAC un Golden question: dicon no tin siquiera 5 miembro den directiva di SAC cu tin raiznan di Islanan ariba of Caribense? Carnaval ta “tur” color toch? Pariba y Pabao tin basta hende di Islanan ariba cu ta scucha e genero aki, TUR DIA na cas. Ta hendenan asina por bisabo cua estilo ta di ken y si e Arubiano a logra di domin’e bon of copi’e bon of mehor’e pero mester tin un linea y e Arubiano mester ta flexibel pa acepta cu cada cos tin su cosnan. Dicon no ta pone Sr. Brother Pantophlet, Sr. Cobashi, Sr. Vlaun, Sra Alicia Godett, Eric Mohamed, Sra. Helen Mohamed, Sr. Ramon Sharp y Sr. Antoni Gario como hurado pa e proximo Festival di Dande of un canto pa Betico, si nos ta asina noble, integra, di bon curazon y transparente? Ta Arubiano nos tur ta toch? Nos di San Nicolas ta traha duro pa mantene e parti di cultura aki bibo, cu of sin sosten di Minister di Cultura!

Nos di Concerned Citizens of San Nicolas a aserca Sr. Gario pa cuminsa un movement y tambe a pidi’e pa yuda nos estructura e carta aki. Tambe nos a aserca Sr. Reynaldo Sprott (manager di e banda di Calypso di mucha) pa papia di e futuro di Calypso y Soca na Aruba pa wak si nos mester dividi’e den 2 evento esta e Calypso y Soca cu nos por reconose ainda dirigi pa CCSN y e ritmo Coco loco cu ta hasiendo su entrada den e concurso di Calypso pa e ultimo añanan cual SAC lo por keda dirigi. Tambe nos a aserca Sr. Chris Hodge di YADONEKNOW.COM pa pone nos lucha online tambe. Un danki na tur medio di comunicacion y na e Website nan pa publica nos preocupacion. ultulturaAruba pabien cu nos aña di Cultura, historia lo revela un dia cu nos di San Nicolas tambe a pone nos granito pa cu formacion di Cultura di Aruba. Take it or leave it, ‘Rubiano nos ta.

Pa bira miembro di CCSN, manda bo CV y demas detayes na: concernedcitizenssn@hotmail.com